

1. KANTONALNO TUŽILAŠTVO KANTONA SARAJEVO – ul. Radićeva br. 6, Sarajevo, kojeg zastupa Glavna Kantonalna tužiteljica Kantona Sarajevo DALIDA BURZIĆ, ID: 4200223290004, (u daljem tekstu: Kupac);

i

2. „IMTEC“ d.o.o. Sarajevo, Bosanski put b.b.,71380 Ilijaš, kojeg zastupa direktor Jakub Čehić ID: 4200918780002 (u daljem tekstu: Dobavljač);

zaključuju sljedeći:

U G O V O R

o nabavci klima uređaja

Član 1.

Predmet ovog Ugovora je nabavka, isporuka i ugradnja klima uređaja, i to: Multi-split vanjska jedinica sa mogućnošću priključenja 3 unutrašnje jedinice – 1 kom, Multi-split vanjska jedinica sa mogućnošću priključenja 5 unutrašnjih jedinica – 5 Kom i Unutrašnja jedinica - 28 kom, za potrebe Kupca, po ukupnoj cijeni ponude u iznosu od 35.098,83 KM (slovima: tridesetpetiljadaidevedesetosam i 83/100 KM) sa PDV-om, a u skladu sa tehničkom specifikacijom tenderske dokumentacije broj: A-III-39/17 od 20.06.2017. godine.

Sastavni dio ovog Ugovora je prihvaćena Ponuda Dobavljača broj: 01176/17-2 od 28.06.2017. godine. U cijenu ponude uključeni su svi troškovi nabavke (isporuke, ugradnje-instalacije, konfiguraciju, testiranje, puštanje u rad i edukacija osoblja u vezi rukovanja istim).

Član 2.

Dobavljač se obavezuje, da će isporuku i ugradnju opreme iz člana 1. izvršiti u skladu sa zahtjevom Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke i dostavljene opreme. Kupac će utvrditi razuman rok za ispravku propusta Dobavljača, u smislu izvršene nabavke i za račun Dobavljača.

Član 3.

Dobavljač je dužan uz predmet nabavke dostaviti i sve neophodne dijelove, materijale i software, koji čine integralni operativni dio svake komponente, a koji su neophodni za normalno funkcionisanje iste.

Član 4.

Plaćanje će se izvršiti najkasnije u roku od 30 dana od datuma ispostave fakture za uredno isporučenu opremu. Plaćanje se vrši putem JR Trezor Kantona Sarajevo, na žiro račun Dobavljača broj: 1410010000522607 kod BBI banke.

Član 5.

Dobavljač se obavezuje, da će u skladu sa članom 1. ovog Ugovora dostaviti opremu Kupcu, u skladu sa narudžbom iskazanom u pisanom obliku. Isporučka opreme je jednokratna, Fco Kupac. Dobavljač se obavezuje na rok isporuke navedene opreme najkasnije 15 (petnaest) dana nakon obostranog potpisivanja Ugovora.

Član 6.

Dobavljač se obavezuje na garantni rok za isporučenu opremu u trajanju od 24 mjeseca. Servis u garantnom roku je besplatan. Tokom trajanja garantnog roka, Dobavljač se obavezuje, u roku od 48 sati od dijagnosticanja kvara, isti ukloniti, a u slučaju da to nije moguće, obavezuje se odmah izvršiti zamjenu tehnički neispravne opreme.

Član 7.

Ugovorne strane su saglasne da će eventualne sporove pri realizaciji ovog Ugovora, rješavati mirnim putem, u suprotnom, priznaju nadležnost Općinskog suda u Sarajevu.

Član 8.

Na ostala prava i obaveze Ugovornih strana, koje nisu regulirane ovim Ugovorom, primjenjivat će se odredbe Zakona o obligacionim odnosima.

Član 9.

Ovaj Ugovor se zaključuje na određeni period, do realizacije nabavke iz člana 1. i 3. ovog Ugovora i postupanja Dobavljača po eventualnim primjedbama Kupca, u pogledu nedostataka vezanih za kvalitet i realizaciju nabavke.

Član 10.

Ovaj Ugovor stupa na snagu danom potpisivanja obje ugovorne strane.

Član 11.

Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

DOBAVLJAČ:

Direktor:

Broj: _____
Sarajevo, _____. godine

KUPAC:

**Kantonalno tužilaštvo Kantona Sarajevo
Glavna Kantonalna tužiteljica:**

Dalida Burzić

Broj: A-III-39/17-XVIII
Sarajevo; _____. godine